



UNIVERSITÄTS-
BIBLIOTHEK
PADERBORN

Horologium Spirituale Scholasticorum Societatis Jesu

Dirckinck, Johann

[Osnabrugi, 1696

Legendi super mensam.

Nutzungsbedingungen

[urn:nbn:de:hbz:466:1-55025](https://nbn-resolving.org/urn:nbn:de:hbz:466:1-55025)

XX. Suadeo itaq; Scholasticis nostris, ut ternas hasce Summarii regulas artificiosè combinent. *1^{ma}* est de continua in omnibus rebus, quoad fieri poterit, mortificatione. *Reg. 12.* *2^{da}*. Altera Novitiis, Magistrisq; novellis præcipuè inculcanda. Scilicet corporis castigationem in abstinentiis immoderatam esse non debere, nihilq; sine Confestarii aut Superioris approbatione faciendum. *Reg. 48.* *3^{tia}* Deniq; moderatam tuendæ ad divinum obsequium valetudinis ac viriû corporis curam adhibendam esse *Reg. 46.* Juxta ipsiusmet Christi D. monitum S. Gertrudi datum. *L. 4. c. 23. In fin.* *Mihi quidem, inquit, ad hoc erat oblatum vinum myrrhatû cum felle mixtum, quo citius morerer, sed desiderium multa patiendi pro homine, retraxit me, ne biberem. Tu verò è diverso, in eodem amore, sume omnia necessaria & commoda, ut per ea in servitio meo diutius viva conserveris.*

PRAXIS

Legendi super Mensam.

I. **S**I tempus ullo modo patiatur lectionem antè revide. *Juxta Reg. Præf. Lect.*

Leſt. Sic leges accuratiùs & distinctiùs. Solertiores id agunt diebus festis aut Dominicis, aut aliis minùs impeditis.

II. Intentionem piam præmitte, cum desiderio pascendi cibo spirituali, cum corpus reficitur, amicos Dei & Fratres tuos, atque ut id cum fructu præstes, Angelos eorum Tutelares invoca.

III. Inter legendum observa Sena hæc adverbia *I. Lege tardè*: ne memoria multitudinem rerum & volubilitate verborum obruatur. Cibus largus corpori præpropere ingestus, non bene digeritur; ita nec cibus anime. *II. Legè distinctè*, omnia verba, & syllabas, præsertim ultimas, articulatè exprimendo, nullam absorbendo, omnesq; sensus, secundum commata & puncta bene distinguendo. *III. Lege clarè & ita altè*, ut ab omnibus etiam in fine triclinii accumbentibus omnia probè percipiantur. *Reg. i. Præſect. Leſt. IV. Lege æquabiliter*, voce uniformi, non cantillando, non tonum elevando, aut deprimendo, est enim lectio, non concio, aut cantio. *V. Lege reverenter* S. Scripturam stando & aperto capite, sicut & Martyrologium. Nonnulli

etiam, occurrentes inter legendum orationes, quibus Deum vel Sanctos alloquimur, aut rogamus, detecto capite legunt. Deniq; lege *libenter*: magni enim meriti est lectio, eoque majoris, quò majoris difficultatis est plurium horarum doctioe fessis. P. Petrus Burgundus senex 72. Annorum in Collegio Trevirensi ordinarium mensæ lectorem agebat, ut Annux testantur. Anno 1598.

IV. Si perperam lecta, pronuntiatq; repetere jubearis, id tanquam humilitatis & meriti ansam, promptè arripe, ac demissè, apertoque capite corrige. Exemplo P. Martini DelRio, qui post Theologiæ & Concionum Cathedras administratas, agnosten agens, malè lecta ad arbitrium alterius promptè corrigebat. *Lancic. op. 8. L. 2. c. 4.* Si etiam, licet rectè pronunties, emendare jubearis (quod contingere nonnunquam potest, neq; enim Correctorem esse omniscium credas) proprio iudicio ne pertinaciter inhæreas, nec sciolus haberi velis, sed ad alterius votum promptè esferas, duplicem hac occasione meriti coronam relaturus. Beatus Lantfrancus vir
omni

omni literatura egregiè imbutus, cùm in Cœnobio lectorem mensæ ageret, & ab Antistite illiterato, idq; contra Grammaticæ leges, lecta repetere juberetur, promptissimè paruit. Hos, aliòsq; verè humiles imitare.

V. In prandio & Cœnâ legitur caput de Scriptura Sacra. *Reg. 5. Præf. Lect.* Quæ lectio non omittitur dum leguntur Annuæ, ut rescripsit P. Claudius 1584. Sed omittitur in solennioribus festis, quando leguntur Homiliæ PP. *Juxta Reg. 6.* Quæ Homiliæ non sunt legendæ per totam octavam, sed tantùm ipso festo. Excipiuntur tamen, Natalis Domini, Pascha & Pentecoste, in quibus per plures dies legi possunt. *P. Oliverius. Visit. Prov. Rhen. Anno 1586. Et P. Claudius Anno 1604.*

V. De passione Domini legitur Dominicâ Judica caput 26. Matth. Die Lunæ & Martis cap. 27. Mercurii & Jovis cap. 14. Marci. Veneris & Sabbati cap. 15. Marci. Dominica Palmarum, Evangelium Palmarum. Lunæ cap. 22. Lucæ. Martis cap. 23. Lucæ. Mercurii cap. 18. Joannis. Die Jovis sancto c. 13. Joannis us-

que ad vers. 16. Die Veneris sancto caput
S. Joan. 19. Sabbato sancto c. 28. Matthæi
usq; ad vers. 8.

VII. In Scriptura sacra omittendæ Ge-
nealogiæ Judæorum & Catalogi Nomi-
num, facta etiam, quæ species inhonestas
ingerunt. Ex rescripto P. Claudii Anno
1587. & ordin. P. Oliverii, n. 29. In parti-
culari autem

EX Libro Genesis omittendum cap. 5.
totum. Cap. 9. versus 21. 22. 23. Cap.
10. totum. Cap. 11. à vers. 10. ad finem.
Cap. 13. totum. Cap. 30. totum. Cap. 31.
vers. 10. 11. 12. Cap. 34. totum. Cap. 36.
& 38. totum. Cap. 39. à vers. 7. ad 19.

Leviticus totus omittitur.

Ex Libro Numerorum omittitur Cap. 1.
2. 3. 4. 25. 26. 33.

Ex Libro Josue Cap. 12. à vers. 7. ad fi-
nem omittitur. Cap. 15. à vers. 20. ad fi-
nem & cap. 16. 17. 18. 19. omittitur.

Judicum Caput 19. omittitur.

Ex Libro Ruth cap. 3. omittitur.

Ex Libro 2. Regum Cap. 11. à vers. 2.
ad 6. omittitur. Cap. 13. ab initio usque
ad

ad vers. 23. omittitur. Cap. 16. à vers. 21.
omittitur.

Ex Libro 3. Regum cap. 1. non legitur
usque ad vers. 5.

Ex Libro Paralipomenon 1. omittun-
tur 9. prima capita. Cap. 11. à vers. 26. ad
finem. Cap. 23. 24. 25. 26. 27.

Ex Lib. 1. Esdræ Cap. 2. totum omitti-
tur. Cap. 8. usque ad vers. 20. non legi-
tur.

Ex Libro Judith Cap. 12. omittitur.

Ex Libro Esther omittuntur quæ ulti-
mis capitibus diverso caractere inserta &
asteriscis notata sunt.

Psalterium totum & Canticum Can-
ticorum omittitur.

Ex Ezechiele cap. 16. & 23. omittitur,
& cap. 41. cum seqq.

Ex Daniele cap. 13. omittitur.

Ex Osea cap. 1. 2. 3. omittitur,

Novum Testamentum totum legitur.

VIII. Martyrologium jam ex Decreto
47. Congr. 8. legitur in prandio. In vigi-
liis Sanctorum & Beatorum nostrorum
eorum Nomina legenda ante alios San-

168 *Praxis legendi ad mensam.*

Etos. P. Mutius 1625. Sed dies Canonizationis SS. PP. nostrorum post Martyrologium legitur. *Idem P. Mutius 1633.*

IX. Feria V. VI. & Sabbato sancto omittitur Martyrologium. Ita P. Mutius in German. 1628. Lectio vernacula inchoatur, sepositâ à plerisq; portione capitali. Singulis mensibus legitur Catalogus Missarum quæ dici debent quot mensibus & septimanis. Semel initio Anni indicatur legendum Sacrum pro Societate. Deinde quot mensibus Summarium & Regule communes cum Epistola de obedientia. Singulis annis Kalendis Martii legenda Bulla Alexandri VII. de denunciandis hæresi infectis. Et feria 6. post octavam assumpt. B. V. Bulla Urbani VIII. de observatione constitutionum ad S. Inquisitionem pertinentium.



oni-
yro-
3.
ndo
tius
in-
bita-
ogus
ibus
ica-
De-
Re-
be-
le-
un-
oft
III.
S.

